

# **AWIG - AWIG DESA ADAT PENEMPAHAN**



**DESA MANUKAYA, KECAMATAN TAMPAK SIRING  
KABUPATEN DATI II GIANYAR  
1994**

# DAGING AWIG-AWIG DESA ADAT PANEMPAHAN

|                                             |    |
|---------------------------------------------|----|
| MURDHA CITTA .....                          | 1  |
| SARGAH I ARAN LAN WEWIDANGAN DESA.....      | 1  |
| SARGAH II PATTIS LAN PAMIKUKUH .....        | 1  |
| SARGAH III SUKERTA TATA PAKRAMAN .....      | 2  |
| Palet 1. Indik Krama.....                   | 2  |
| Palet 2. Indik Prajuru / Duhun Desa.....    | 4  |
| Palet 3. Indik Kulkul .....                 | 6  |
| Palet 4. Indik Paruman .....                | 6  |
| Palet 5. Indik Druwen Desa .....            | 8  |
| Palet 6. Indik Sukerta Pamitegep .....      | 9  |
| Kaping 1. Karang, tegalan, lan carik.....   | 9  |
| Kaping 2. Indik Pepayonan .....             | 9  |
| Kaping 3. Indik wewangunan .....            | 10 |
| Kaping 4. Indik Wewalungan .....            | 10 |
| Kaping 5. Indik Baya .....                  | 11 |
| Kaping 6. Indik Penyanggran Banjar .....    | 12 |
| SARGAH IV SUKERTA TATA AGAMA .....          | 12 |
| Palet 1. Indik Dewa Yadnya .....            | 12 |
| Palet 2. Indik Resi Yadnya .....            | 13 |
| Palet 3. Indik Pitra yadnya .....           | 15 |
| Palet 4. Indik Manusa Yadnya .....          | 20 |
| Palet 5. Indik Bhuta Yadnya .....           | 21 |
| SARGAH V SUKERTA TATA PAWONGAN .....        | 22 |
| Palet 1. Indik Pawiwaha .....               | 22 |
| Palet 2. Indik Nyupahan .....               | 24 |
| Palet 3. Indik Sentana .....                | 25 |
| Palet 4. Indik Wurisan .....                | 26 |
| SARGAH VI WICARA LAN PAMIDANDA .....        | 28 |
| Palet 1. Indik Wicara .....                 | 28 |
| Palet 2. Indik Pamidanda .....              | 28 |
| SARGAH VII NGUWAH - NGUWUHN AWIG-AWIG ..... | 29 |
| SARGAH VIII P A M U P U T .....             | 30 |

## MURDHA CITTA

AUM, OM

Om Swastyastu, Om Awighnamastu nana sidham.

Putusing sabha Krama Desa Adat Panempahan, gumawe Awig-awig Desa Pakaraman maka sepat siku-siku pamatut, wastu kasidhan prayojanan mami kabeh prasama anghidep muwah amagehaken kadi linging Awig-awig iki.

### SARGAH I

#### ARAN LAN WAWIDANGAN DESA ADAT PANEMPAHAN.

Pawos 1

- (1) Desa Adat puniki mawasta Desa Adat Panempahan.
- (2) Jebar kakuwub wawidangannya, mawates nyatur desa:
  - a. Sisi wetan : Desa Adat Malet
  - b. Sisi kidul : Desa Adat Manukaya Let
  - c. Sisi kulon : Tukad Petanu
  - d. Sisi lor : Dusun / Br.Malet Kuta Mesir / Bangli.Kakuwub wawidangan pinaro tiga luwire :
  - a. Utama angga : makadi Khayangan Tiga lan Dang Khayangan
  - b. Madya angga : makadi karang paumahan, telajakan desa, muah rurung
  - c. Nista angga : makadi setra.
- (3) Desa puniki kawangun antuk karang ayahan Desa, miwah karang gunakaya, sane wantah asiki banjar.
  - (1) Kawentenanan banjare wenang madruwe :
    - a. Palemahan;
    - b. Krama;
    - c. Prajuru;
    - d. Bale Banjar;
    - e. Kulkul;
    - f. Pamikukuh dening Desa Adat.

### SARGAH II

#### PATITIS DAN PAMIKUKUH

Pawos 2

Desa Adat Panempahan ngamanggehang pamikukuh minakadi :

- a. Pancasila;
- b. Undang - undang Dasar 1945, pamekas pasal 18;
- c. Perda Tk. I Bali Nomor 06 Tahun 1986;
- d. Tri Hita Karana manut sada cara Agama Hindu.

Pawos 3

Luwir patitis Desa Adat Panempahan :

- a. Mikukuhin muah ngrajegang Sang Hyang Agama;
- b. Nginggilang tata prawertine meagama;
- c. Ngrajegang kasukertan Desa saha pawongannya sakala kalawan niskala;
- d. Ngrajegang tata sangaskaraning pawongan pamekas sane ngiket pakulawargan;
- e. Ngrajegang druwen Desa miwah druwen pawongan sami.

**SARGA III**  
**SUKERTA TATA PAKRAMAN**

**Palet 1**

**Indik Krama**

Pawos 4

- (1) Sane kebawos krama Desa inggih punika kulawarga sane meagama Hindu, sane sampun madruwe palemahan lan paumahan.
- (2) Sejaba punika sinanggeh tamyu

Pawos 5

- a. Krama Ngarep;
- b. Krama Balu-angkep;
- c. Krama Balu
- d. Krama Tapukan.

Pawos 6

Kawit dados krama Desa adat Panempahan :

- a. Sehanan warga Desa sane sampun maprabian patut ngawit tedun makrama desa utawi banjar.
- b. Satunggil krama manut karendahan kulawargannya patut keni ayah sinalih tunggil :
  - (1) ayah ngarep;
  - (2) ayah balu-angkep.
- c. Ayahan ngarep sane sampun wenten sentanannya maparabian wenang nyada, ayahannyane kasilihdiinin olih sentanannya inucap.
- d. Warga Desa meagama Hindu wiwitan warga desa sewosan, wenang ngeranjing makrama desa, prade pacang jenek mapaumahan ring wewidangan Desa Adat Panempahan, tur sang ngeranjing ring Desa Adat Panempahan punika mangda matur uning dumun ring Kelihan Banjar.

Pawos 7

Panumaya tedun inekrama Desa Adat Panempahan :

- a. Nyaberan sasih kedasa saha mejalaran antuk tetengeran sedereng arep ring krama Desa.

- b. Ngantos 6 (enem) sasih mawiwit pawiwahan;
- c. Kapastikayang sane wawu tedun mekrama Banjar utawi Desa Adat Panempahan tur kasuratang ring likitan Banjar utawi Desa Adat Panempahan.

#### Pawos 8

Sehananin krama Desa sami keni tategenan (ayah-ayahan ) utawi urunan ring Desa Adat manut kawigunaan miwah perarem.

#### Pawos 9

- (1) Sehanan warga Desa Adat Panempahan sane sampun mayusa 17 warsa patut tedun ngayah, sane lanang kewastanin sekaa baris tur sane istri kewastanin sekaa rejang (ayah deha )
- (2) Ayah deha teruna puniki kapupulang ring sekaa teruna.
- (3) Sekaa - sekaa punika kaepah manut gaginganyane sowang-sowang manut perarem.
- (4) Sehananin warga Desa Adat Panempahan patut :
  - a. Setinut - seturut ring daging Awig-awig Desa Adat Panempahan miwah perarem utawi pemutus Desa Adat sane sewosan;
  - b. Tan maren tinut ring ubaya mangda Desane nyidayang nyujur tatujonnya kadi munggah ring pawos 3 ring ajeng;
  - c. Nataik tis panes kartin Desane.
- (5) Sehananin tamiu sane ngeranjing ring wewidangan Desa Adat Panempahan patut :
  - a. Tinut ring tetiwak Prajuru Desane nganinin indik ngupadi kasukertan Desane ring sekala;
  - b. Tan wenang nungkasin sepemargin kartin Desane manut ring daging awig-awig miwah dresta.

#### Pawos 10

- (1) Sehananing krama Desa Adat Panempahan wenang polih pesayuban miwah pengayom saking Prajuru Desa manut daging Awig-awig miwah dresta luwire :
  - a. Panyangaskara kauripannya sane mabuat, sane mastikayang pakilitan sulur pakulawargan;
  - b. Kasukertan miwah kasucian dewek prahyangan miwah karangnya druwen sowang-sowang.;
  - c. Kabawosin tur kaliwakin pamutus wicarannya.
- (2) Sehananing krama Desa Adat Panempahan sane kerawuhing tamiu wenang polih pesayuban ngemanggehang kasukertan raga meagama saha druwen nyane sowang-sowang.
- (3) Sehananing krama Desa Adat Panempahan ngarep miwah Balu-angkep patut nyarengin paruman Desa utawi banjar saha wenang nyarengin mastikayang pamutus manut perarem.
- (4) Sehananing ayah sewosan dados nyarengin paruman Desa utawi banjar tan wenang sareng mebawos mastikayang pamutus, sejaba ngewakilin ayah ngarep.

#### Pawos 11

Krama Desa Adat Panempahan kedadosang :

a. Mapuankid utawi tan tedun :

- 1) Rikala mewewangunan, ngeraabin, mayadnya, matepetin, keluasan, lan sane siwosan manut pararem.
- 2) Suwen ipun wantah apisan, sejawaning wenten wak-wakan olih Prajuru utawi Dulu-dulu.
- 3) Desa muah banjar mepaweh leluputan ayah, utawi peson-peson reramon ring sang patut inggilang linggih nyane luire :
  - a) Bendesa Adat.
  - b) Para Pemangku lanang / istri.
  - c) Para Sulinggih miwah Sadaka.
  - d) Sang sane sungkan tahunan.
  - e) Sang sane sungkan buduh.
  - f) Miwah sane sewosan manut pararem Desa utawi banjar.
  - g) Sejawanin sungkan-sungkanan tan dados nyuksukin.
- b. Nyada mapiteges ngamademang ayah risampune mayusa 70 ( pitung dasa warsa.)
- c. Nyade utawi nyuksukin, sane kawenangang risampun manggeh daha teruna, utawi sampun mawiwaha.
- d. Nugtug ayah antuk arta brana seantukan magenah ring dura desa ageng alit nyane manut pararem.

#### Pawos 12

Wusan dados krama Desa Adat Panempahan luire :

- a. Sangkaning :
  - 1) Megingsir linggih sakeng wewidangan Desa Adat Penempahan;
  - 2) Kanorayang olih Desane duwaning tan prasida ngesehin solah maprawerti setata nguwig kecaping Awig-awig.
- b. Sulus kalih tata ngenorayan luire :
  - 1) Pastika wenten sudosan ipun tiwal ring daging Awig-awig Desane;
  - 2) Tan tinut ring pituduh Prajuru indik nyipat raga ngesehin solah.
- c. Sang wusan mekrana Desa tan polih pah-pahan druwen Desa utawi banjar.
- d. Desane wusan mepeweh pesayuban kasukertan sakaluwire marep ring sang kenorayang
- e. Sang wusan mekrana desa patut ngaturang karang ayahan ke Desa, prade karang punika karang ayahan desa.

#### Palet 2

#### Prajuru Dulu Desa

#### Pawos 13

- (1) Desa Adat kaenterang olih Bendesa Adat.

- (2) Banjar kaenterang olih Kelihan Banjar.
- (3) Bendesa Adat, Kelihan Banjar , kaadegang malarapan antuk kacatri olih paruman krama Desa utawi banjar.
- (4) Bendesa Adat miwah Klihan Banjar mawiwit sakeng krama Desa Adat Wed..

Pawos 14

Bendesa Adat kasanggra olih :

- a. Pangliman ( pinaka wakilnya )
- b. Panyarikan ( pinaka juru surat )
- c. Patengen ( pinaka pangemong druwen Desa ).
- d. Juru banten.
- e. Kasinoman ( pinaka juru arah ).

Pawos 15

- (1) Swadharman Bendesa Adat, Prajuru Desa, miwah Kelihan Banjar luwire :
  - a. Ngenterang paruman Desa Adat miah banjar,
  - b. Ngenterang tur ngelaksanayang sedaging Awig-awig, miwah pamutus paruman ikrama sowang-sowang;
  - c. Ngeraksa tur ngatur druwen Desa miwah banjar,
  - d. Nuntun tur ngenterang krama rawuhing warga Desa ngupadi kasukertan sekala muah niskala;
  - e. Nuntun muah nyaksinin tata cara miwah sangaskaraning kauripannya mabuat sane ngilitang sulur pakeluangan;;
  - f. Nuntun saha ngenterang warga Desa miwah banjar ngupadi nginggilang sang Hyang agama, kesucian khayangan-khayangan, palemahan miwah tata caraning ngangge setra;
  - g. Mawosin kalih niwakang pamutus marep ring wicara warga Desane;
  - h. Ngenterang Desa miwah banjar matemuwang bawos ring sapesira ugi indik agama, adat, miwah sane sewosan tur kasungkemin olih krama desa
- (2) Tata cara ngelaksanayang swadharma ring ajeng, tan maren pahut manut ring Awig-awig miwah dresta utawi pamutus paruman Desa lan Banjar.
- (3) Pengelaksana ring ajeng patut kasiarang ring paruman Desa miwah banjar kapungkur ipun.
- (4) Bendesa Adat miwah Kelihan Banjar natak pamutus parunman Desa utawi Banjar ngemargiang swadharmanya sowang-sowang.

Pawos 16

Petias utawi olih-ilihan Bendesa Adat / Prajuru miwah Kelihan Banjar luire :

- a. Leluputan seluwiring peson-peson reramon Desa utawi Banjar.
- b. Miwah pikoli sewosan manut pamutus paruman Desa muah Banjar.
- c. Petias sewosan manut perarem.

Pawos 17

- (1) Prajuru / Dulu Desa kagentosin riantukan :
  - a. Seda.
  - b. Kanorayang duaning iwang pemargi menawi nilar sesana.
  - c. Wit sangkaning pekayun rahayu pinunas ngeraga.
- (2) Ngenorayang utawi ngentosin Prajuru / Dulu-dulu patut sejeroning paruman, tur kaingkupin antuk krama Desa langkung ring atenga akweh krama Desane.

Palet 3

Indik Kulkul.

Pawos 18

Kulikul ring Desa Adat Panempahan luwire :

- (1) a. Kulikul Desa;
  - b. Kulikul Banjar;
  - c. Kulikul Sekaa-sekaa.
- (2) Tabuh tepakan kulikul Desa / Banjar :
  - a. Kalih tuludan lambat,: tengeran tedun ngayah.
  - b. Bulus :
    - 1) Atulud bulus : tengeran geni bhaya.
    - 2) Duang tulud : tengeran kapandangan / arta bhaya.
    - 3) Tigang tulud : tengeran jiwa bhaya.
  - c. Tengeran kelayu sekaran :
    - 1) tigang klentungan : Tengerang miatuang kalayu sekaran ( Seda ).
    - 2) Atulud banban : Nedunang Krama Banjar./
  - d. Siya ( 9 ) kelentungan : tengeran rare embas.
  - e. Nungtit : tengeran wenten Yadnya, surya graha miwah bulan kapangan.
  - f. Tigang klentungan ngempang : tengeran ngawangdeang karya.

Pawos 19

- (1) Kulikul Desa utawi Banjar tan wenang katepak yening tan sangkaning pituduh Prajuru / Dulu Desa, sejawaning tengeran kepanca bhaya.
- (2) Sang nepak tan sangkaning pituduh Prajuru patut digelis atur supeksa makabuatan panepakan, yan tan mangkana wenang sang mamurug kadanda manut perarem.

Palet 4

Indik Paruman

Pawos 20

- (1) Luir paruman / sangkepan ring Desa Adat Penempahan :
  - a. Paruman Desa.
  - b. Paruman Banjar.
  - c. Paruman Prajauru Desa.
  - d. Paruman Prajuru Banjar.
  - e. Paruman Sekaa Teruna.
  - f. Paruman Prajuru Sane sewosan.
- (2) Sahanan Paruman sidha lumaksana yan sampun ketedunin antuk krama Desa Adat utawi Banjar, langkungan atenge keli ipun.
- (3) Ritalkala nedunin paruman , krama mangda mewastra tur nyelempot tan wenang makta gegawan sarwa lelandep.
- (4) Sehanan pemutus paruman kausahayang pisan mangda melarapan antuk gilik saguluk, bilih tan nyidayang, suarane makehan sinanggeh pamutus.
- (5) Ritalkala ngawentenang paruman patut kemanggalain antuk pengarcana ring Ida Bagawan Penyarikan saha Widhi Widana.

Pawos 21

- (1) Paruman Desane patut kewentenang sekirang-kirang ipun atiban apisan.
- (2) Rikala paruman Prajuru patut nyiarang pemarginnya ngenterang Desane pamekas nganinin indik :
  - a. Munjuk lungsuring pakraman miwah ayah-ayahan;
  - b. Pemargin penelas miwah sulur artabrana druwen Desane;
  - c. Indik Pikolih Desane;
  - d. Sehanan wicara muah pemutusnyane;
  - e. Daging Perarem miwah pesuara-pesuara sane mebuat;
  - f. Pidabdab Prajuru nganinin usaha kartin Desane kapungkur;
  - g. Miwah sane sewosan;
- (3) Sehanan sane kebaos ring ajeng mangda katitenin saha katiwakin pemutus olih paruman desane.
- (4) Pamutus paruman inucap ring ajeng, sinanggeh sepat siku-siku patut ketinutin olih krama desane, pamekas antuk Prajuru

Pawos. 22.

- (1) Sejaba kadi mungguh ring ajeng, paruman desane taler patut kewentenang prade kawidi ring krama desane sanistan ipun sareng atenga lintangan ring krama desane.
- (2) Sang ngawidi patut mastikayang bantang sane sandang bawosang ring paruman inucap.

- (3) Paruman Desane kadi punika taler patut ketiwakin pamutus kadi munggal ring ajeng.

**Pawos 23.**

- (1) Paruman Prajuru desane patut kawentenang sanistan ipun nem sasih apisan.
- (2) Paruman inucap katuntun antuk Bendesa Adat miwah Prajuru sane siosan.
- (3) Sehanan Prajuru desane patut sareng ring paruman inucap.
- (4) Paruman Prajuru ngerincikang tata upaya ngelaksanayang usaha gumanti desane mangda rahajeng.
- (5) Sehanan rerincikan miwah perarem bilih-bilih sane pacang niwakin tetegenan ring krama tan wenang kelaksanayang sadurung kepastikayang ring krama.
- (6) Pemutus sane sinanggih pengawisesan sane wenang nyelem putihang tala pengenter desane manut daging awig-awig miwah dresta.

**Palet 5**

**Indik Druwen Desa**

**Pawos 24**

- (1) Padruwen Desa Adat Panempahan sekadi ring sor :
  - a. Khayangan desa luire:  
Khayangan tiga ( pura Puseh, Pura Dalem, Pura Desa ).
  - b. Pura Dang Khayangan.
  - c. Setra Palebahan.
  - d. Lelangunan mekadi tetabuhan lan ilen-ilen padruwen Desa Adat luire :
    - 1) Gong abarung.
    - 2) Ilen-ilen wali pura : Rejang, Pendet, Baris, miwah sane liyanan.

**Pawos 25**

Piolih-olihan Desa Adat Penempahan luire :

- a. Urunan krama Desa Ada;
- b. Paica saking guru wisesa;
- c. Paica sane siosan sane patut;

**Pawos 26**

- (1) Prajuru / Dulu Desa wenang ngetangang sapanungalan druwen Desa.
- (2) Pakolih lan druwen desa kaagen prabeya piodalan saha wewangunan ring Pura Khayangan Desa Utawi Desa Adat.
- (3) Sakaluwirin druwen Desa patut wenten ilikitanya.
- (4) Tan kalugra ngadol utawi ngesahang padruwen Desa yan tan kasungkemin antuk krama Desa.

**Palet 6**  
**Sukerta Pamitegep.**

**Kaping 1**  
**Karang, Tegal lan Carik**

**Pawos 27**

- (1) Sehanan karang paumahan patut :
  - a. Pastika wenten wates ipun.
  - b. Pemedjal kerurunge utawi kemargine.
  - c. Tan wenten karang kebebeng.
  - d. Rurung patut melinggahi adepa agung ( kalih meter )
- (2) Bendesa Adat Nyarengin nulunginnsekesidan ngutsahayang mangda ami kareng kadi ring ajeng kawentenannyane.

**Pawos 28**

- (1) Sehanan Warga Desa Adat Panempahan patut ngewatesin karangnyane sowang-sowang jantos sida trepti kewentenannyane.
- (2) Wates karange sane majepitan patut kategen olih kramane sane mahuluhan kewates inucap manut dresta.
- (3) Taru miwah wit-witan sane maurip kadi ring ajeng, kadruwe ring krama sane negen inucap.

**Pawos 29**

- (1) Tanem tuwuh miwah tetaneman tan wenang naonin utawi ngeletehin karang penyandingnya, prade wenten asapunika wenang kasepat gantungin tur kaenteb miwah katotor mewates adepa agung ( kalih meter ), ngajerowan saking wates.
- (2) Yening tetangunan tan wenang cacapane ngalintang ring karang penyandingnya.

**Pawos 30**

- (1) Tan wenang nunjel sawa utawi nanemsawa miwah awak-awakan ring karang paumahan.
- (2) Tan wenang ngenahang sehananin sane ngaletehin ring karang paumahan bilih-bilih sinanggeh ngeletehin Desa manut agama muah dresta.

**Kaping 2**  
**Pepayonan**

### Pawos 31

- (1) Ngawit nandur pepayonan tanem tuwuh patut adepa agung ( kalili meter ) ngajeroan saking bates, prade ngeliwat bates wenang kasepat gantungin.
- (2) Yening wenten tetanduran ngungkulin semalih mewastu mayanin kapisaga kepatut kewara antuk paiguman pingajeng prasida sang madruwe ngerebali utawi notor.
- (3) Prade sampun kewara taler tan wenten usaha sang nruwenang wit sang rumasa katetehan / kajerihan wenang mesadok ring Prajuru / Dulu tur sampun kaparitasang kelugra ngicalang wit inucap sakewanten patin pepayonan patut ketawur manut pengelogika sang nepasin.
- (4) Sang keni pamidanda penyangaskara yadin saha prabeya manut perarem arep ring wewangunan sang karubuhan luire :
  - a. Sang nruwenang wit sinanggehi mayanin prade pungkut ngerubuhin wewangunan krama siwosan;
  - b. Sang notor, munggul utawi ngerebali taru ngerubuhin krama siwosan.
- (5) Krama Desa Adat Panempahan patut ngemanggehang kewerdihan tanem tuwuh sane ngawinang desane asri tur lestari.

### Kaping 3

#### Wewangunan

### Pawos 32

- (1) Nyaberan ngewangun patut :
  - a. Mesadok ring Prajuru / Dulu ping ajeng prade wewangunan ngeninin wates.
  - b. Ngangge asta bumi miwah gegulak asta kosala kosali sanistane manut ring petitis niskala.
  - c. Tan ngayubin kapisaga.
- (2) Prade wewangunan jantos ngayubin bilih-bilih temboke ring telengin wates, ri sampun kewara tur kesadokang ring Dulu, wenang kedanda manut perarem saha tembok inucap kabubar utawi sanistane mangda kakarianin abangan .

### Kaping 4

#### Wewangunan

### Pawos 33

- (1) Krama Desa Adat Panempahan sane miara saka luir wewangunan patut sayaga negul utawi ngelogorin mangda ubuhane tan ngerusak karang utawi paabyanan krama siwosan miwah mangda sampunang jantos ngeranjing ring Khayangan utawi genah sane sinanggehi suci.
- (2) Prade wenten wewangunan ngeleb / melunbar saha ngeranjing pekarangan utawi kemargine sang madruwe karang malungguhng ring sang madruwe wewangunan inucap.

- (3) Bilih yan ngawanang wenten krusakin mangda masadok utawi matur pinung ring Kelihan Banjare, mangde I Kelihan niwakin danda, yening sejeroning asasili jantos ping tiga sampun mahanggahang wewalungan inucap wenang ketaban.
- (4) Penabunan panika patut uningang ring Kelihan Banjare, wewalungane inucap dados katabus olih sang maduwe, ageng alit panebusane manut dresta tur kadulurin danda manut krusakane sane kawetuang.
- (5) Prade wewalungane sane ngeleb, ngeranjing ring Khayangan utawi genah sane sinanggeh suci sang maduwe wewalungane wenang kasisipang antuk danda prabeyaning upakara pamarisada sepatutipun.

#### Kaping 5

#### B h a y a

#### Pawos 33

- (1) Indik bhaya luwire :
  - a. Jiwa bhaya,
  - b. Arta bhaya,
  - c. Geni bhaya,
  - d. Melegandang,
  - e. Dura cara ring agama miwali sane siwosan.
- (2) Asing-asing sang Krana Desa Adat Panempahan sane manggihin jiwa bhaya mangdene gelis matur pinung ring prajuru tur patut nyuarayang kulkul bulus mapitulung ant ring pawos 18 ( pelekatus) angka (2).
- (3) Prade ring Desa kehanan jiwa bhaya patut desane ngaturang bluta yadnya tur sang mayanin katur ring sang ngawewenang.
- (4) Prade wenten jadma memisah utawi ngatur-atur jadma tiwosan kakemimin pamadanda bya pecamil tebasan prayacita.

#### Pawos 34

- (1) Sang manggihin kehanan arta bhaya (kemalingan) patut ngulkul mapitulung utawi sang kepalingan atur sapaksa ring Prapara utawi Duhin Desa sanepacang nimbangin utawi mandarin ant daging KUIP saha masuwuh panyangastara prade wenten jadma ngemaling barang sinanggeh suci.
- (2) Krana Desa Adat Panempahan sane kacalan utawi kemalingan yan prade pacang masuwuh patut muna ketekunan mawa pamtan ring Kelihan Banjar.
- (3) Prade genah pacang masuwuh ngelungang ke Banjar manah Desa sane sewosan patut muna ketekunan ring Kelihan Banjar utawi Bendesa Adat sane pacang ketuju mawa.
- (4) Yan sedurung katur pamtan mangde sampunang mawa masuwuh mangla tau lepas ring dresta sinang.

**Pawos 35**

- (1) Sinalih tunggil Krama Desa Adat Panempahan prade wenten polih nuduk barang sakaluwire patut kauningin ring Kelihan Banjar.
- (2) Kelihan Banjar mangde nyiarang kalih matur piuning ring sang runawos mangdene sang madruwe barang inucap sida ngemolihang barang nyane.
- (3) Prade jantos tigang sasih tan wenten jadma ngelingang barang inucap wenang kadruwe ring sang nuduk.

**Kaping 6**

**Penyanggran Banjar**

**Pawos 36**

- (1) Sinalih tunggil Krama Desa Adat Panempahan madruwe karya tata penyanggrahane kasukserah ring Banjar manut daging Awig-awig muah dresta nanging mangda ajeg suka dukane memargi.
- (2) Bilih karyane dahat bobot Banjare dados nunas penamping ring Banjar prekantin nyane sewosan.

**Pawos 37**

- (1) Karyane patut serahang ring Banjare sahanan karya Panca Yadnya miwah sane siwosan manut dresta.
- (2) Karya sejabanin kadi inucap ring ajeng taler dados nyerahang karya pasuka-dukaan sane sewosan luire : ngisidang sakaluwiri tatangunan ( bale, pawon, miwah sane sewosan ).

**SARGAH IV  
SUKERTA TATA AGAMA**

**Palet 1**

**Indik Dewa Yadnya**

**Pawos 38**

- (1) Pelinggih penyiwian sewidangan Desa Adat Panempahan luire :
  - a. Khayangan Tiga, Pura Desa / Bale Agung, Pura Puseh, Pura Dalem, Pelinggih Mraja Pati, Pura Catur Bhuana, muah Pura Pesiraman ( Beji ).
  - b. Pura Ulun Suwi.
  - c. Pura Penyiwian Jagat : Pura Tirta Empul. Pura penyiwian Desa :
    - 1) Pura Jagasari.
    - 2) Pura Taman Sari.
    - 3) Pura Paiguman / Gumang.keempon olih Desa.
  - e. Pura Pedadian lan pura Paibon
    - 1) Pura Dukuh.
    - 2) Pura Kawan.

- (2) Pengemong lan pengempon pura inucap ring ajeng luire :
  - a. Pura Khayangan Tiga olih Krama Desa Adat.
  - b. Pura Dang Khayangan olih Krama Desa Adat.
  - c. Pura Pedadian lan Pura Paibon olih pengempon sowang-sowang manut sekadi Purana Pura inucap.
- (3) Rahina piodalan ring sowang-sowang Khayangan inucap luire :
  - a. Pura Desa / Bale Agung rikalaning Purnama Sasih Keenem.
  - b. Pura Puseh rikalaning Purnama Sasih Kapitu.
  - c. Pura Dalem rikalaning Anggara Kliwon Wuku Prangbakat.
  - d. Dang Khayangan luire :
    - 1) Pura Jaga Sari rikalaning Purnama Kedasa.
    - 2) Pura Taman Sari rikalaning Purnama Kepitu.
    - 3) Pura Paiguman rikalaning Purnama Keenem.
    - 4) Pura Tirta Empul rikalaning Purnama Kapat.
    - 5) Pura Anyar rikalaning Tumpek Ringgit / Wayang.
  - e. Pura Subak luwire :
    - 1) Pura Ulun Suwi rikalaning Purnama Kedasa.
    - 2) Pura Subak Abyan rikalaning Sukra Umanis Kapitu.
- (4) Pengaci ring pura inucap manut kecap sastra agama saha kalaksanayang nista, madya, utama manut kewentenan lan perarem.
- (5) Karya / piodalan ring Khayangan Tiga utawi Dang Khayangan keanteb olih Pemangku sejabaning upakara Pemalik Sumpahan.

#### Pawos 39

- (1) Ring sowang-sowang Pura Khayangan Tiga wenang keadegang Pemangku sane pacang muntun utawi ngastawayang sehananing yadnya ring Pura pura inucap.
- (2) Ngadegang Pemangku manut dudonan :
  - a. Mawiwit sakeng keturunan Pemangku inucap.
  - b. Yan tan hana ring keturunnanya wenang nyanjan.
- (3) Tan wenang anggen Pemangku :
  - a. Sang ceda angga tan wenang ;
  - b. Sang amumpang laku paraning laku ;
- (4) Prabeya Kepemangkuan :
  - a. Adiksa Widi ( Ngewintenin ) kamedalin saha kalaksanayang antuk sang ngadegang makadi krama desa utawi pengempon pura sowang-sowang.
  - b. Mapitra Yadnya riwekas patut kasungkemin olih krama desa utawi pengempon sanistane Brahma Prayascita, penyanggrane manut perarem.
- (5) Pemangku patut ngemanggehang sesananing Pemangku minakadi :
  - a. Ambek dharma sadhu;
  - b. Asewaka dharma, makadang sastra utama;
  - c. Tan parek ring naya dusta;
  - d. Tan atayub ring tarub camara yudha;

- e. Tan manjing ring umah wong banija karma;
- f. Tan manjing ring umah wong drati krama / Paradara;
- g. Tan pati pikul-pikulan;
- h. Tan pati salah suluh;
- i. Tan anginun asing angawe mada;
- j. Tan wenang ajajuden;
- k. Tan wenang anayub upadrawaning cor, yan mawyawahara teka wenang adewa saksi;
- l. Tan griganing wong akweh;
- m. Tan keneng cuntakaning wong len, sejawaning kulawargania tunggil natar utawi pasiwanya

Pawos 40

Swadharmaning Pemangku luwire :

- a. Ngenterang upakara piodalan ring Khayangan utawi ring sowang-sowang pakubon krama desa.
- b. Prade salah sinunggil Pemangku pialang wiadin cuntaka kengin nyelang Pemangku siwosan.
- c. Semalih yan sampun Pemangku ngayah ring pura kancit wenten kulawargannya Mangku inucap seda, tan keneng cuntaka sakewanten Mangku tan budal selami piodalan.

Pawos 41

Patias utawi olih-olihan Pemangku luwire :

- a. Penyolasan miwah sarin canang sowang-sowang pakubon krama desa / Tri baga :
  - 1) Pemangku;
  - 2) Desa;
  - 3) Pura;
- b. Luput manuk
- c. Patias sewosan manut perarem.

Pawos 42

- (1) Pemangku kegentosin riantukan :
  - a. Pemangkune lampus utawi seda;
  - b. Pinunas ngeraga menawi kegeringan lan sepenunggalnya;
  - c. Kawusan antuk krama desa menawi melaksana sane tan patut (asta dusta );
- (2) Prade Pemangku kawusang sangkaning melaksana tan patut keni pamidanda manut perarem saha ngewaliang prabeya pewintenan pecak;

Pawos 43

- (1) Kasukertan Khayangan sekadi ring sor :
  - a. Tan kalugra ngeranjing ke pura luire :
    - 1) Makta sehananing sane sinanggeli ngeletihin;

- 2) Sato agung, sejawaning rikala mepepada;
  - 3) Mebusana tan manut sekadi tata caraning ngeranjing ke Pura;
  - 4) Sedereng polih wak-wakan ( pituduh ) Prajuru / Dulu Desa;
- b. Pratingkahe tan wenang ring pura :
- 1) Mesumpah ( cor ) sejawaning pituduh Prajuru / Dulu Desa;
  - 2) Makobetan, masesenengan, makolem dados asiki lanang - wadon, mebacin / mewarih, nyangsang busana , menahin pusungan, santukan punika rikala majejahitan patut ngelung busung mecingorlidine;
  - 3) Mungguh tedun pelinggih sejawaning pituduh Prajuru / Dulu Desa
  - 4) Sang mamurug kecaping ajeng keni pamidanda prayascita sepatutnya.

Pawos 44

- (1)Yan wenten jadma kerawuhan ring pura, kengin kepintonin prade rumasa kesumbangsan, yan tan wiyakti jadma kasisipan manut perarem.
- (2) Prade Khayangan kahanan durmanggala, minakadi kepancabhaya, Pemangku lan Krama Desa patut digelis nyadokang ring Dulu Desa mangda maruman Krama Desa tur mangda ngewentenang pemrayascita sepatutnyane.

Palet 2

Resi Yadnya

Pawos 45

- (1) Sang pacang madeg Pandita utawi Pemangku, minakadi Balian Sonteng Kubayan, Dalang saluwire sane jagi ngenterang yadnya patut mesadok ring Prajuru Desa, utawi Parisada Hindu Dharma Indonesia.
- (2) Prajuru Desa patutngawas nitenin tur tur naweng ngalangin prade wenten kacilman kekecap miwah drestane, tur sareng nyaksinin upakara saha nyiarang ring paruman Desa tegap rawuhing wates kawenangan pengenter yadnya.
- (3)Krama Desa patut ngaturang ayah / puniya sepemadeg miwah ring pengelepasang Sulinggih riwekas katuntun antuk Prajuru / Dulu Desa.

Pawos 46

- (1)Sang Sulinggih patut ngeriyinang muputang ring wewidangan Desa Adat Panempahan sesampune wawu muputang yadnya kejebar tiwos jagat utawi ke dura desa.
- (2) Krama Desa Adat sami patut sareng ngawas nitenin katuntun olih Prajuru / Dulu - dulu, mangda sehanan yadnya sane kawentenang kaicen pemuput olih Pedanda utawi keanteb olih Pemangku manut kawenangannya sowang-sowang.

Palet 3

Indik Pitra yadnya

Pawos 47

Pemargin Pitra Yadnya madudonan sekadi ring sor :

a. Pengupakara sang kelayu sekaran :

1) Antuk mendem utawi ngeseng, maka cihna pakingsan ring ibu pertiwi utawi ring Bhatar Brahma, selami nuptupang prabeya;

2) Atiwa-tiwa;

b. Upacara upakara pitra yadnya riwusan keabenang raris munggah daun bingin (ngeroras )

Pawos 48

Swadharmaning lan tategenan prade wenten sinalih tunggil krama kelayu sekaran :

a. Sang kaduhkita patut :

1) Nyadokang ring Kelihan Banjar tur nunas tatimbangan ring kawentenannya;

2) Ngaturin Banjar ngerombo mekarya eteh-eteh sarwi kadulurin panyambrama canang sasida antuk utawi meweweh sajeng ring pengerombo nganter ke setra.

b. Swadharmaning Banjar / Desa :

1) Klihan Banjar maritatas pemargin sang kaduhkita, napike pacang kependem, makingsan riyin utawi lantur ke abenang;

2) Prade kependem, raris kawentenang kulkul petahu antuk Kelihan Banjar utawi wakilnya;

3) Penyanggran Banjar selanturnya :

a) Sowang-sowang Krama Banjar neduin patus sami 1/4 Kg beras, miwah jinah Rp.500,-

b) Ngerombo ngaryanin eteh-eteh sawa saha kasarengin antuk Krama Sane rawuh, meaksian.

c) Sani Krama Banjar nganter ke setra jantos pemendeman puput.

c. Tan dados ngelelet langkung ring 7 ( pitung ) rahina, tan patut polih pegebagan manut paetangan Kelihan Banjar.

d. Tan kalugra nginepang bang-bang miwah mendem rikala : semut sedulur, kala gotongan, was penganten, ingkel wong, pasah, kliwon / kajeng kliwon, Soma Umanis Taulu, Prawani, Purnama, Tilem, rerainan jagat.

e. Prade wenten kelayu sekaran rikala piodalan dados mendem sasiliban tur memargi wengi.

f. Mendem sawa utawi ngeseng :

1) Genah mendem / ngeseng ring setra ugi;

2) Sang Sulinggih polih linggih manut dresta;

3) Yan prade sang kelampusan kawentenannya kobet, kalugra mekingsan pramangkin, sesampune polih wak-wakan saking prajuru, pemargine sasiliban, tan nyuarayang kulkul, tan maupakara, tan meprapak tur tan ngangge gegunuk.

4) Yan hana wong kelampusan nemonin wali ring Khayangan, pemargine mendem mangde sesampun puput ngaturang wali;

- 5) Yan wong lampus mayusa 3 sasih nyantos durung kehus untu mungguing pretekanya kepatutang ngelungah rikala nemoning wenten pitra yadnya ring Desa / Banjar, ngangge pepaga nemoning sasih Karo nyabran tigang warsa ( tigang tahun) Desa Adat Penempahan ngawentenang karya pitra yadnya (atiwa-tiwa/Ngaben) manut perarem.

Pawos 49

- (1) Prade wenten wong lampus sangkaning salah pati, ulah pati, kepengawan, kengin kebakta budal tur kesanggra antuk banten pengulapan, mungguing upakara pratekannya manut sastra agama;
- (2) Yen ana wong istri bobot lampus, tan wenang kapendem sadurung bobotnya embas, patut kelaksanayang upacara masadak;
- (3) Prade wenten wong padem ring carik, tegalan, sang madruwe kepatutan utawi warisnya patut keni pemrayascita lan pecaruan panca sata kelaksanayang rigenah inucap pinih sirwe masenger sasih pitung rahina ( 42 hari );
- (4) Yan wong padem inucap tan kamingin wenang kapiuning ring guru wisesa mungguwing pemrayascitanya kelaksanayang olih Desa Adat utawi Subak;
- (5) Yan ana ngangkenin wong padem inucap sane ngangkenin patut keni upakara kaletehan inucap.

Pawos 50

- (1) Yan hana wong megama Hindu tan mekrama nanging maduwe kulawarga ring Desa Adat Penempahan kelampusan tur pacang mendem ring setra Desa Adat Penempahan, kepatutang :
  - a. Sadurunge patut atur pinung ring Prajuru munas kebebasan pemargi inucap;
  - b. Keni jinah penamjung batu, lan penyangaskara manut perarem;
  - c. Tan polih penyanggra krama desa;
- (2) Yan prade pacang keabenang, patut :
  - a. Sadurunge patut atur pinung ring Prajuru Desa Adat / Banjar munas kebebasan pemargi inucap;
  - b. Keni jinah penukun setra miwah lelawuh akehnya manut perarem;
  - c. Tan polih penyanggra saking Krama Desa;
- (3) Pemargi inucap ring ajeng, Kelihan Banjar patut marumang Krama Banjar nganungang pinanas wong inucap.

Pawos 51

Tata titi nganter sawa ke setra :

- a. Pemargi mangda dabalab trepti tan kewanang ngarap napi malih ngantos ngerusak wadah, pameremas sawa miwah sane lianan kantos ngewetuang pekeweh ring sang meyadaya.  
Yan ana Krama Desa marumang kecap iki wenang keni pamidanda manut perarem;
- b. Mungguwang marumang saking ajeng upakara;

upakara, banten, adegan, angklung / gong, sawa, wadah utawi pemereman, kidung kekawin, para istri-istri lan lanang-lanang utawi manut dresta.

- c. Sehanan warga banjar sane ngemiletin patut mebusana adat madya warna sarwa ireng.

Pawos 52

Tata cara ngangge setra :

- a. Mangku manut kadi dresta ;lan pituduh Prajuru;
- b. Warga desane mangda nitenin, mangda sehanan letuh setrane tan wenten ngelalah ke bakta ke desa pekraman, punapi malih sane ke genahang kesinanggeh suci;
- c. Yening pengabenan ngagali sawa patut nganutin sastra agama lan perarem.

Pawos 53

Peputusan patutipun :

- a. Krama Desa Adat ngamedalin beras, klapa, miwah reramon manut perarem kasikiyang rihin olih prajuru, risampun krama keedum patus punika ketibakang ring sang ngemargiyang atiwa-tiwa.
- b. Ngerombo karya : mekarya pengosongan utawi pepaga nyarengin nganter sawa ke setra.
- c. Pemargin sewosan pasukadukaan.
- d. Krama desa sane pacang ngelaksanayang pengabenan masa senistane tigang dasa lima rahina sadurung pengabenannya sampun patut kebawosang ring Prajuru lan ring paruman Desa Adat.
- e. Ngaben dadakan kedadosang madudonan sekadi ring sor :
  - 1) Pemangku, Bendesa lan Kelihan Banjar polih patus utama manut perarem;
  - 2) Krama praksa, polih patus madya, manut perarem.
- f. Kelayu sekaran prade kependem polih patus nista (Panabing ) manut perarem.

Pawos 54

(1) Sane kasinanggeh kacuntakan sekadi ring sor :

- a. Cuntaka antuk kelayu sekaran.
- b. Cuntaka antuk ngeraja swala.
- c. Cuntaka antuk ngembasang putra.
- d. Cuntaka antuk keruron.
- e. Cuntaka antuk pawiwahan.
- f. Cuntaka antuk sakit ila, buduh
- g. Cuntaka antuk gamia gamana.
- h. Cuntaka antuk salah timpal.
- i. Cuntaka antuk yening wenten anak istri mobot nenten keupakarayang pabiukaonan tur pawidiwidanan.
- y. Cuntaka antuk mamitra ngalang.
- k. Cuntaka antuk yening wenten anak istri ngawentenang putra sadurunge maupakara pabiakaonan tur pawidiwidana.

1. Cuntaka antuk sad tatayi.
- (2) Sengker cuntaka manut kawentenannya :
  - a. Cuntaka kelayu sekaran, cuntakania keanutang manut sekadi loka dresta miwah sastra dresta Desa Adat sowang-sowang.
  - b. Cuntaka ngeraja swala rahina ngawit saking ngeraja swala utawi selamining ngeraja swala.
  - c. Cuntaka ngembasang putra abulan pitung rahina ( 42 rahina ) ngawit saking putrane embas, utawi ngantos sampun kaupakarayang mekekambuhan tur meprayascita manut sekadi agama, lanang wiadin istri.
  - d. Cuntaka keruron, cuntakania abulan pitung rahina ( 42 rahina ) tur sampun matirta pemrayascita.
  - e. Cuntaka pawiwahan, cuntakania ngantos sesampune matirta pabiakaonan.
  - f. Cuntaka gamia gamania, cuntakania ngantos sesampune kepalasang / mesapihan tur sampun kawentenang pemrayascita raga miwah sampun kawentenang pemrayascita Desa Adat / Khayangan.
  - g. Cuntaka salah timpal, kesokasiyang sekadi manut ring agama Hindu tur dresta / adat sowang-sowang.
  - h. Cuntaka anak istri mobot nenten kawentenang upakara pabiakaonan, cuntakania ngantos kawentenang upakara pabiakaonan.
  - i. Cuntaka mamitra ngalang, cuntakania ngantos kawentenang upakara pabiakaonan.
  - j. Ngembas putra nenten kawentenang upakara pabiakaonan miwah upakara pawidi widanan, cuntakania ngantos wenten sane memerus sang putra, tur sampun kawentenang upakara sekadi manut ring ajaran agama Hindu.
  - k. Cuntaka sad tatayi, cuntakania ngantos sampun meprayascita raga tur nenten pisan dados ngamunggahang upakara padwijatan.
- (3) Cuntaka kalayu sekaran / Kependem :
  - a. Kependem cuntakania :
    - 1) Cuntaka / sebel kebanyar rahing 3 rahina riwusna mendem utawi sesampun polih prayascita ( mesapih ).
    - 2) Kulawargania sejeroning pekarangan ngantos 12 ( roraa ) rahina.
  - b. Keaben cuntakania :
 Sang nyambut karya putra yadya cuntakania ngawit saking 3 rahina puncak karya Putra Yadya ngantos 12 rahina.
- (4) Senglos ketiba cuntaka laur :
  - a. Kelayu sekaran sane cuntaka :
    - 1) Sang sane kelayu sekaran.
    - 2) Kawula wargana.
    - 3) Betanjaran.
  - b. Ngeraja swala sane kercuntaka :
 - Sang sane ngeraja swala.
  - c. Ngantos putra sane kacuntakan :

- Kulawargania sane ngembasang putra lanang wiadin istri.
- d. Pawiwahan sane kacuntaka:
  - Sang sane kaupacara pawiwahan lanang wiadin istri.
- e. Karuron sane kacuntaka:
  - Kulawargania lanang wiadin istri.
- f. Gamia gamana sane kacuntaka :
  - Sang sane ngelaksanayang gamia gamana.
- h. Anak istri mobot nenten kewntenang upakara pabiakaonan sane kacuntaka :
  - Sane meraga istri ( sane mobot ).
- i. Memitra ngalang sane kacuntaka :
  - Sang ngelaksanayang memitra ngalang.
- y. Ngembas putra nenten kawntenang upakara pabiakaonan miwah upakara pawidhi widanaan sane kacuntakan :
  - 1) Sang sane ngembas putra;
  - 2) Putra sane keembasang.
- (5) Tan keneng cuntaka luire :
  - a. Sang Sulinggih lan Mangku Khayangan Tiga;
  - b. Rikala piodalan risampun ngalang sasih / ngalang tengah.

#### Pawos 55

- (1) Atiwa-tiwa (pengabenan) kelaksanayang antuk :
  - a. Nyawe resi (nyuasta geni ), santukan tan ngagah utawi menawi sawa tan kekeniang;
  - b. Sawa prateka.
- (2) Penemayan pengabenan wantah kalih pawos :
  - a. Ngaben dadakan / bah bangun, kedadosan sajeroning bebanjaran
  - b. Ngaben ngawarsa marut uk-ukakan Desa kalih Parisada Hindu Dharman Indonesia.
- (3) Dudonan pengabenan kawit saking ngagah (seda), ngeug ngantos pengiriman utawi nganyut.

#### Palet 4

#### Indik Manusa Yadnya.

#### Pawos 56

- (1) Manusa Yadnya inggih panika, upakara-upakara dharmaning manusa ngawit sakeng petemuan kama bang lan kama petak sajeroning garba ngantos kulayu sekaran riwekas.
- (2) Upakara kadi ring ajeng madudonan kadi ring sor :
  - a. Megedong-gedongan
  - b. Wawu eutias
  - c. Eapus udel
  - d. Ngelepas awon / roras rahina

- e. Tutug kambuhan ( 42 rahina )
- f. Tigang bulanan ( tigang sasih ).
- g. Pawetuhan / Pawetonan ( 6 sasih ).
- h. Mepetik rambut.
- i. Tutug kelih ( Ngeraja swala wadone, ngembakin lanange )
- j. Metatah / mepandes.
- k. Mawiwaha.
- l. Mawinten .

(3)Upakara-upakara inucap ring ajeng nganutin kecap agama nista, madya, utama pemargine nganutin dresta miwah sima ring Desa Adat.

Pawos 57

- (1) Sahananing Sang alaki rabi kepatut ngemargiang :
  - a. Upakara pabiyakalaan;
  - b. Upakara wiwaha, mesakapan, lepas sebel kandel luire:  
Banten upakara saksi ring Bhataras Surya , banten pabiakalaan ring natah;
  - c. Upakara inucap kesaksinin olih Bendesa Adat lan manggala Desa.
- (2) Sadurung ngelaksanayang upakara inucap ring ajeng tan kelugra ngeranjing ring pura utawi genah-genah sane kasinanggeh suci.
- (3) Upakara inucap ring ajeng kapuputang olih Ida Sang Sulinggih utawi keanteb oleh Pemangku.

Palet 5

**Indik Bhuta Yadnya**

Pawos 57

- (1)Bhuta yadnya inggih punika : sahanan upakara pabiakala ring pretiwi lan Khayangan muah sarwa prani lan piranti-piranti lan upacara upakara ring bebutan:
  - a. Sarwa landep ring Saniscara Kliwon Landep.
  - b. Sarwa Tumuwuh, piranti kahuripan ring Sanicara Kliwon Wariga.
  - c. Sarwa sayandana piranti kahuripan ring Sanicara Kliwon Kuningan
  - d. Sarwa Lelanguan piranti kahuripan ring Sanicara Kliwon Krulut
  - e. Sarwa wewalungan piranti kahuripan ring Sanicara Kliwon Uye.
  - f. Sarwa Citra kara / Citra leka piranti kahuripan, ring Sanicara Kliwon Wayang.
- g. Sejawanin kadi ring ajeng kawentenang upacara :
  - 1) Mejot-jotan utawi Yadnya Sesa nyabran wusan ngrateng ;
  - 2) Upacara pakala-kalaan ring manusa kabawos mabiakala ;
  - 3) Masapuh-sapuh rikala pacang wali ring pura, kebawos pacaruan minakadi :
 

|                  |                 |
|------------------|-----------------|
| a) Eka sata.;    | d) Resi Gana;   |
| b) Panca sata.;  | e) Manca Sanak; |
| c) Manca Kelud.; | f. Tawur Agung. |

Pawos 58

- (1) Tawur Kesanga kemargiang nemonin Tilem Kesanga kelanturang antuk pangrupukan maka cihna mapag rahina Penyeopian benjangne.
- (2) Brata Penyeopian Brata Penyeopian patut kemargiang olih Krama Desa kadi ring sor
  - a. Amati Geni, tan dados ma api-api.
  - b. Amati karya, tan dados ngambil karya.
  - c. Amati lelangan, tan dados madudon-dudonan, masuara gora lan sapanunggalipun.
  - d. Amati lelungan, tan dados mekelungan.
- (3) Pabratan inucap kemargiyang saking semeng ngantos semeng benjangne, raris keswarayang kulkul macihna pengembak.
- (4) Sang mamurug kecap ring ajeng keni pamidanda manut perarem kemargiang olih Pecalang Desa sejawaning polih wak-wakan Prajuru.
- (5) Riwas rahina Nyepi benjangne maka cihna ngawit Isaka warsa Krama Desa patut ngemargiang Dharma Santi.
- (6) Sejawaning kadi inucap ring ajeng taler kemargiang caru pesasihan ngangken sasih Kalima, Kenem, kelanturang antuk nangluk merana, Kapitu muah Kaulu.
- (7) Sebinayan ring punika taler kemargiang pamarisudha / caru rikala :
  - a. Wenten Lindu.;
  - b. Kalulut baya;
  - c. Dupiksan jagat siosan.
- (8) Nemoning tilem sasih Kedasa kemargiang caru pamogan.

SARGAH V  
SUKERTA TATA PAWONGAN

Palet 1

Indik Pawiwahan.

Pawos 59

- (1) Pawiwahan inggih punika :

Palemoning purusa lan pradana melarapan antuk panunggalan kayun suka-lila maduluran upasaksi sekala niskala.
- (2) Pidabdab pawiwahan ring Desa Adat ngemanggehang pemargi purusa.

Kepatut sang purusa sane ngalap rabi tur kapaumalang ring sang purusa, sejawaning santana rajeg.
- (3) Pemargin pawiwahan wenten tigang pawos minakadi :
  - a. Pepadikan, kamanggala antuk pakrunayan.
  - b. Ngerorod / Ngerangkat pemargine sasiliban, uwus punika wawu kepelepehang / kalukuang.

- c. Nyeburin utawi sentana nyeburin, sang wadon meraga purusa, kemanggehang dados sentana rajeg olih keluarganya, sane lanang dados predana ( risampun nganutin upakara pemerasan ).
- (4) Pidabdab sang mewiwaha luire :
  - a. Sampun munggah deha teruna ( prasida nganutin Undang-undang );
  - b. Sangkanin pada lila ( tan kapaksa );
  - c. Nganutin kecap agama, tan gamia gamana;
  - d. Yan ngambil sewos agama, patut kemanggala antuk sudi wadani ;
  - e. Prade pengambile ring singgihan wangsa patut ngemargiang pati wangi.
- (5) Pemargin pewiwahan mangda taler nganutin Undang-Undang sakeng sang ngawewenang.

#### Pawos 60

- (1) Pawiwahan sane kepatutang ring desa, sekadi ring sor :
  - a. Sampun kemargiang pabiakala utawi pesakapan, kesaksiang sekala lan niskala antuk Pandita / Pemangku / Balian anteb;
  - b. Wenten pesaksi Prajuru sane mepekelingang utawi ngilikitayang pawiwahane;
  - c. Pawiwahan inucap sampun kailikitayang ring sang ngawewenang;
- (2) Perabian sane tan manut kadi ring ajeng sinanggeh tan patut.

#### Pawos 61

Tatacaraning perabian, sekadi ring sor :

- a. Pemargin pepadikan :
  - 1) Ngidih ping kalih, ring ping tigane pengambilan;
  - 2) Ring pengambilane keluarga sang purusa nunas upasaksi ring prajuru Desa.
- b. Ngerangkat utawi ngerorod :
 

Saking purusa patut mengergiang kadi ring sor puniki :

  - 1) Mesadok utawi mejatyang, kesaksinin olih prajuru tan kasep ring awengi, prade pengambile tios desa;
  - 2) Yan sampun manut pelukuanne ketampi, kebaos puput, kulawarga sang predana patut mesadok ring Kelihan Banjar;
  - 3) Prade sampun memargi ping tiga pelakune taler durung ketampi pawiwahane nglantur kemargiang;
  - 4) Kelihan Banjar patut nitenin pemargi inucap ring ajeng;
  - 5) Pagenahan antene tan dados ring pakubon sang purusa sadereng upakara pabiakala.
- c. Pemargin Nyeburin :
  - 1) Sang predana sane pacang kemanggehang purusa tan maderbe semeton sodet purusa.
  - 2) Sadurunge memargi keluarga sang predana sane kemanggehang purusa, patut mesadok ring Kelihan Banjar tur Kelihan Banjar pacang nyiarang ring paruman banjar.

Pawos 62

- (1)Pakerabkambean mapiteges upakara tinas apadang ( puput ) mapikuren duaning manut sekadi ring sor :
  - a.Sejeroning kebawos ambe, kelaksanayang ring sekala lan niskala antuk sarana jejauman miwah pawidi widana.
    - 1)Jejauman punika ngambe / ngadungang kayun suang-suang pakulawarga wadone;
    - 2) Widhi widana punika pejati niskala mamitang ring pemerajan kamulannya
  - b.Sejeroning bawos kerab pelaksana ring sekala :
    - 1) Antuk penyaksi krama banjar,
    - 2) Pamekas penyaksi prajuru / dulu saha ngilikitayang.

Pawos 63

- (1) Sang lanang patut merabi asiki sejawaning wenten pasubaya kewehin antuk rabine pinih rihin tur polih panugrahan sakeng sang rumawos.
- (2)Yen wenten wong istri mobot keluarganyane patut digelis nyadokang ring Kelihan Banjar mangda digelis maritatas ring sang sane mobotin.
- (3)Yening sang katuduh sane mobotin tan arep ngambil sakewanten ngangken mobotin patut sekadi ring sor :
  - a. Katur ring sang ngawewenang;
  - b. Mrayascita raga.
- (4)Yening sang sane mobotin ngangkenin lintangan ring asiki sang mobotin patut keni pamidanda pateh kadi kecaping ring ajeng.
- (5) Prade tan wenten sane ngangken mobotin, utawi sane mobotin saking jaba desa, sane mobot utawi kulawarganyane kepatut :
  - a. Mengupakara rarene mangda manut sastra agama ( peras kundul );
  - b. Mrayascita raga.

Pawos 64

- (1)Sang kaicalan anak istri, yening sejeroning awengi durung wenten sane mejatiang, ngelukwang patut mesadok ring Kelihan Banjar nunas pitulung pacang maseserep.
- (2) Kelihan nuntun pemargine maseserep mangda nganutin tata kramaning desa luire :
  - a. Keenter olih Prajuru;
  - b. Ngeranjing kepaumahan, sang maseserep tan dados langkungan ring kalih diri;
  - c. Tan daos makta gegawan, utawi senjata sejawaning guru wisesa;
  - d. Tan kepatutang ngemedalang bebawos sane tan nganutin tata susila.
- (3)Yening pemargine maseserep tan nganutin kecap ring ajeng tan kalugra pacang maseserep saha kauningayang sang ngawewenang.

Palet 2

Indik Nyapihan

Pawos 62

- (1) Pakerabkambean mapiteges upakara tinas apadang ( puput ) mapikuren duaning manut sekadi ring sor :
  - a. Sejeroning kebawos ambe, kelaksanayang ring sekala lan niskala antuk sarana jejauman miwah pawidi widana.
    - 1) Jejauman punika ngambe / ngadungang kayun suang-suang pakulawarga wadone;
    - 2) Widhi widana punika pejati niskala mamitang ring pemerajan kamulannya
  - b. Sejeroning bawos kerab pelaksana ring sekala :
    - 1) Antuk penyaksi krama banjar;
    - 2) Pamekas penyaksi prajuru / dulu saha ngilikitayang.

Pawos 63

- (1) Sang lanang patut merabi asiki sejawaning wenten pasubaya keweihin antuk rabiné pinih rihin tur polih panugrahan sakeng sang rumawos.
- (2) Yen wenten wong istri mobot keluarganyane patut digelis nyadokang ring Kelihan Banjar mangda digelis maritatas ring sang sane mobotin.
- (3) Yening sang katuduh sane mobotin tan arep ngambil sakewanten ngangken mobotin patut sekadi ring sor :
  - a. Katur ring sang ngawewenang;
  - b. Mrayascita raga.
- (4) Yening sang sane mobotin ngangkenin lintangan ring asiki sang mobotin patut keni pamidanda pateh kadi kecaping ring ajeng.
- (5) Prade tan wenten sane ngangken mobotin, utawi sane mobotin saking jaba desa, sane mobot utawi kulawarganyane kepatut :
  - a. Mengupakara rarene mangda manut sastra agama ( peras kundul );
  - b. Mrayascita raga.

Pawos 64

- (1) Sang kaicalan anak istri, yening sejeroning awengi durung wenten sane mejatiang, ngelukuang patut mesadok ring Kelihan Banjar nunas pitulung pacang maseserep.
- (2) Kelihan nuntun pemargine maseserep mangda nganutin tata kramaning desa luire :
  - a. Keenter olih Prajuru;
  - b. Ngeranjing kepaumahan, sang maseserep tan dados langkungan ring kalih diri;
  - c. Tan daos makta gegawan, utawi senjata sejawaning guru wisesa;
  - d. Tan kepatutang ngemedalang bebawos sane tan nganutin tata susila.
- (3) Yening pemargine maseserep tan nganutin kecap ring ajeng tan kalugra pacang maseserep saha kauningayang sang ngawewenang.

Palet 2

Indik Nyapihan

Pawos 65

- (1) Sane kebawos nyapihan inggih punika :  
sang wus merabian, palas tan sida tinut alaki rabi, wus merabi sangkaning kelayuan kebawos balu.
- (2) Sang nyapihan sesampune polih pemutus ring sang rumawos patut kasiarang ring paruman Desa Adat.
- (3) Yen sang nyapihan wekasan malih adung patut mawiwaha malih.
- (4) Yen ana balu luh malih daha riwekas malih ngerereh sentananya patut keni pamidanda manut perarem.

Pawos 66

- (1) Tata sulur pacang palas merabian wenten sangkaning :
  - a. Pada lila pacang nyapihan;
  - b. Sangkaning wicara utawi pratingkahi sewosan sane ngawinang presida tan adung merabian.
- (2) Yen prade nyapihan sangkaning lila patut sekadi ring sor :
  - a. Polih pah-pahan paguna kaya;
  - b. Pabekelan mewali niri-niri;
  - c. Wewarisan lan sentana kekuasa olih sang purusa tur patut ngewehin pangupa jiwa lan kaweruhan ring sentana;
  - d. Pemutus sang rumawos kasobyahang ring parunan lan nawur pamidanda manut perarem, sane ketawur olih sang purusa.
- (3) Indik nyapihan mangda nganutin daging Undang-undang saking sang ngawewenang.

Pawos 67

- (1) Balu sane tan pageh ring swadharmaning balu, luire :
  - a. Matingkahi paradara utawi dratikrama;
  - b. Matilar tan pasadok langkungan ring enem sasih;
  - c. Lempas ring swadharmaning balu utawi salah prawerti / salah laksana.
- (2) Balu luh sane tan pageh kadi kecap ring arep dados katundung olih kulawarga purusa, saha tan polih pahan gunakaya. Tata caraning nundung mangda nganutin tata susila.
- (3) Balu luh masantana utawi tan mesantana pageh ring swadharmaning balu tan dados katundung prade katundung patut polih pah-pahan paguna kaya.

Palet 3

Indik Sentana

Pawos 68

- (1) Sentana inggih punika pratisentana, utawi santane paperasan miwah santana sareg.
- (2) Sentana Rajeg :
  - a. Pradene kerajegang dados purusa;

b. Sane purusa nyeburin dados predana.

(3) Pemargin sentana rajeg :

- a. Pawiwahan kelaksanayang ring paumahan sang predana;
- b. Sang lanang nyadia nyeburin, mawit sampun kasungkemin olih keluarganya;
- c. Nyeburin maduwe pradana;
- d. Sang ngemadegang sentana rajeg patut sesampune mawiwahia keceburin kasaksiang sekala niskala;

(4) Pemargin sentana peperasan :

- a. Sang megama Hindu.
- b. Saking pancer kapurusa minakadi : Tunggal sanggah utawi merajan, paibon, dadiya.
- c. Yening nenten wenten saking pancer kepurusa kadi kecap ruing arep dados saking predana.
- d. Yening taler tan wenten saking predana, dados sapisira ugi naging sane meagama Hindu, utawi jadma sane tan megama Hindu nanging sampun kasudi widani.
- e. Sang pacang memeras oka sedurunge , patut meadok ring prajuru.
- f. Prajuru patut nyobyahang ring paruman desa, nyabran sasih kantos ping tiga.
- g. Prade wenten keberatan patut nyadokang ring prajuru, sekirang-kirangnya 14 rahina sedereng tutug sengker, prajuru patut mawosin manut kawentenanya.
- h. Sesampune tutug sengker manut aksara g ring ajeng tan wenten wicara, prajuru pacang ngicenin pamutus, manut kadi kawentenannya.
- i. Sejeroning kantun wicara tan kalugra ngemargiang upakara pemerasan.
- j. Yening jagi kewentenang pemerasan tan kalugra ngencak patus ngarep.
- k. Daha tua utawi teruna tua ngamong karang keangkat meras oka, yan sampun manut kadi kecap ring ajeng.
- l. Dados ngangkat sentana langkung ring adiri, nanging pengarepnya wantah asiki, seosan dados balu angkep. Prade ngangkat lanang wadon tan dados perabiang.

Pawos 69

Peperasan punika sinanggeh sampun sah yening sampun macihna :

- a. Pawidhi widana peperasan, kapuputang olih sang Sulinggih utawi keanteb olih Balian Anteb manut kawenangannya sowang-sowang;
- b. Kesaksiang olih Prajuru Adat saha kesobyahang paruman krama Desa;
- c. Naur jinah upasaksi manut perarem.
- d. Kailikitayang ring sang ngawewenang.
- e. Yening peperasan punika tan manut kadi kecap ring ajeng, tan sinanggeh sah ring Desa Adat.

Palet 4

Indik warisan

Pawos 70

- (1) Warisan inggih punika tetamian arta berana, utang-utang, saha ayah-ayahan ngupadi sukerta sekala lan niskala sakeng keluargannya arep ring katurumannya.
- (2) Kang sinanggeh warisan luire :
  - a. Duwe tengah mekadi karang Khayangan lan pusaka lsp;
  - b. Pemerajan;
  - c. Peguna kaya, tatadan / jiwa dana, utang piutang;
- (3) Wawu dados kebawos warisan prade wenten :
  - a. Sang mapiturun ( pewaris );
  - b. Keturunan ( ahli waris );
  - c. Arta berana, utang miwah tategenan makacihna warisan.

Pawos 71

- (1) Ahli waris luwire :
  - a. Preti sentana purusa;
  - b. Preti sentana predana ( sane keanggehang sentana rajeg );
  - c. Sentana peperasan lanang / wadon.
- (2) Prade tan wenten sekadi ring ajeng sang sinanggeh ahli waris :
  - a. Keturunan saking pancar kepurusa ngunggahang makadi rerama lanang wadon, marep.
  - b. Yan tan wenten sekadi ring ajeng dados turunan purusa pernah kesamping, makadi semeton, misan, mindon, keponakan dimisan, keponakan di mindon.

Pawos 72

Swadharmaning ahli waris :

- a. Nerima saha ngusahayang tetamiyan pahan saking kulawarganya mekadi ngerempon sanggah, pura, saha pengupacarania miwah nyeledinin tetegenan pewaris.
- b. Ngelaksanayang upacara pitra yadnya pewaris.
- c. Nawurin utang-utang pewaris sane manut pengelogika.

Pawos 73

Pengepahan waris manut sekadi ring sor :

- a. Risampune kelaksanayang pitra yadnya lan utang-utang pewaris buntas katawur.
- b. Para ahli waris polih pahan pada sakeng pegunakayan.
- c. Sinalih tunggil ahli waris dados tan polih pahan prade :
  - 1) Nilar kawitan lan agama;
  - 2) Alpaka guru rupaka;
  - 3) Sentana rajeg kesah mawiwaha utawi pretisentana nyeburin sowang-sowang kebawos ninggal kedaton.
- d. Boya ahli waris kengin muponin hasil anut dudonan luwire:

- 1) Sentana luh selami dereng kesah mawiwaha utawi tan alpaka guru rupaka miwah prade madruwe pianak tan keangkenin antuk wong tua rare inucap, dados ngewaris wantah pikolih (paguna kayan) sentana luh inucap kemawon.
  - 2) Mulih deha utawi teruna riantukan ring pawiwahane pecak sampun ninggal kedaton.
- e. Pewaris kengin meweweh rikala maurip pinaka jiwa dana, tatadan / bekel, maka cihna paweweh tetep ring pianak sane kesah mawiwaha.

Pawos 74

- (1) Prade sejeroning pakula warga wenten ahli waris langkungan ring adiri patut :
  - a. Kawentenang paigum indik pedun waris inucap;
  - b. Yan prasida katunasang tetimbang ring prajuru ( Kerta Desa );
  - c. Prade taler tan wenten cumpu ring palepas Kerta Desa, dados nunasang ring sang rumawos;
- (2) Prade wenten karang kaputungan, patut prajuru desa nibakang ring :
  - a. Sang sinanggeh ahli waris;
  - b. Sang dados anggen sentana;
  - c. Prade taler tan cumpu ring penepas Kerta Desa dados katunasang ring sang rumawos.

## SARGAH VI WICARA LAN PAMIDANDA

Palet 1

Indik Wicara

Pawos 75

- ✓(1) Sane wenang mawosin utawi mutusang wicara ring Desa Adat inggih punika Prajuru Desa sinanggeh Kertha Desa.
- (2) Prade sang mawicara tan cumpu ring pemutus Kerta Desa, dados nunasang wicara inucap ring sang rumawos.

Pawos 76

- (1) Sehanan wicara mawiwit kacorahan sakaluwire sinanggeh nungkasin daging awig-awig Desa / Banjar, Prajuru / Dulu patut digelis mawosin tan nyantos pesadok pasuaran miwah perarem.
- (2) Sejaba wicara sekadi ring ajeng patut nyantosang pesadok sang nunas bawos.
- (3) Penepase patut pastika nyantenang iwang patut melarapan tri pramana ( Saksi, Ilikita, Bukti ) miwah tan maren nepek ring catur dresta.

Palet 2

Indik Pamidanda

Pawos 77

- (1) Desa / Banjar wenang niwakin panidanda ring warga Desa sane sisip.

(2) Paniwak inucap kelaksanayang olih Bendesa Adat / Kelihan Banjar.

(3) Bacakan pamidanda luire :

- a. Ayahan panukun kasisipan;
- b. Danda arta;
- c. Danda upakara panyangaskara;
- d. Kenorayang.

(4) Pamidanda sane katiwakang patut masor singgih manut ring kasisipane.

(5) Jinah utawi raja brana pamidanda ngeranjing dados druwe Desa.

Pawos 78

(1) Krama sane janten tigang paruman tan nawur uruman miwah danda wenang katikelang taler tan nawur wenang kerampag.

(2) Perampagan ngangge tata cara kadi ring sor :

- a. Kelaksanayang olih Prajuru kesarengin olih krama sekiranya tigang diri pinaka saksi;
- b. Sang ngerampag sangkaning darsana ngambil barang utawi nyawening tanem tuwuh, akehnya manut ring hutang sane kerampag, sang kerampag sangkaning lila nyukserahang barang maka wala rerampagan;
- c. Prajuru miteketang mangda barang-barang sane kerampag digelis ketebus, mesengker 7 rahina ring 8 rahina pacang keadol;
- d. Tan nganinin sakaluir barang sane patut inggilang manut agama miwah mademang pengupajiwa sang kerampag.

Pawos 79

(1) Prade sang kerampag ngewara ( ngalangi ) pelaksana inucap mewastu sampun tan nganutin awig-awig desa, wenang kenorayang.

(2) Pamidanda inucap ring ajeng, prasida buntas sesampune sang kekeninin :

- a. Nunas geng pengampura ring krama desa riantukan nguwak pasubaya ( pererem ) pecak.
- b. Nawur pengargan penguak pasubayane duk pacang kerampag kadulurin prayascita panyaksi kaiwangane ring desa.

## SARGAH VII NGUWAH NGUWUHIN AWIG-AWIG

Pawos 80

(1) Nguwah nguwuhin awig-awig Desa Adat puniki kalaksanayang olih paruman desa.

(2) Awig-awig piniki kamargiang ngawit kaingkupin ( kararemin )

Pawos 81


(1) Sakaluiring sane wenten saderengnya patut kaanutang ring sadaging Awig-awig puniki.

(2) Sakaluring sane durung kabawos sajroning Awig-awig puniki patut kalaksanayang manut tata cara sane sampun ketah memargi kadulurin antuk pararem-pararem.

## SARGAH VIII P A M U P U T


Pawos 82

- (1) Awig-awig puniki kararemin duk rahina : Anggara Wage Gumbreg Panglong ping 7 sasih Ketiga, tahun Saka 1916.
- (2) Awig-awig puniki kalingga tanganin olih Prajuru Desa Adat, kasaksinin olih Kepala Dusun, Kepala Desa Manukaya miwah Camat Tampaksiring.
- (3) Luir sang ngalingga tanganin :



Made Lilin

Prajuru Desa Adat




Wayan Sukaja

Kapinilih pinaka saksi :

1. Kepala Dusun Penempatan, Kepala Desa Manukaya


Camat Tampaksiring,



Made Lilin



Suhartono Bading



NIP: 010076253

MENGEDAHUI DAN TELAH DICATATKAN

PADA TANGGAL : 19 DESEMBER 1994

NOMOR : 11 TAHUN 1994

BUPATI KAPALA DAERAH TINGKAT II GLANYAR



PROKORDA GDE EDDI SURIAWAN, SH.